

nis ἀλληγορίζουσι, & verum Scripture sensum pervertunt. Papiſtę addiderunt eos iam contendisse Vnctionem extremam non esse sacramentum à Deo institutum, in quo rectè senserunt, etsi à Papiſtis damnantur, sed perperam & insulsè. Hierachitas istos Manichęis attribuit alicubi Augustinus, non autem, vt quidam faciunt, Origenistis. Alius etiam fuit Hieracha qui post Nicenum conciliũ primum vixit, qui dixit personas in Trinitate esse vti diuisionem luminis in plures lucernas, & ita separat hypostases. Contra quem Hilarius lib. 6. operis de Trinitate agit. Mouebatur autem propter dictum patrum in Niceno concilio, lumen de lumine. Sed quam vim ea comparatio habeat docet Hilarius. Non enim posita est similitudo in diuisione: sed in eo quod Filius est de patre sine diminutione & detrimento ipsius substantiæ Patris, vti lumen de lumine procedit. Theodoret. ita explicat quoque libro de Diuin. dogmat.

3 *Superentur.*) In vulgatis codicibus Separantur. Nihil hoc loco ab Isidoro Augustini abbreviatore iuuamur. Ex coniectura tamen restituumus, *Superentur.*

CAP. XLVIII.

Melitiani cur sic appellati. Erroris autem eorum caput vnum hęc explicatur.

Melitiani à Melitio nuncupati, nolentes orare cum conuersis, id est, eis qui in persecutione ceciderunt, vel schisma fecerunt. Nunc autem dicuntur Arianis esse coniuncti.

1 Melis-